

## **Bruilof van die Lam**

Kom gelowiges kom saam  
na die bruilof van die Lam  
Daar kan jy van smart vergeet  
Kom trek aan jou bruilofskleed  
God het sélf die fees berei  
vir elkeen wat sy Seun bely

Kom gelowiges kom nou saam  
na die bruilof van die Lam  
bruilof van die Lam  
bruilof van die Lam  
na die bruilof van die Lam

## **Ek weet U roep my**

Ek ken U nie maar ek weet U roep my

met `n sagte stem wat ek kan hoor

My lewe is leeg en sonder rigting

Deur self probeer het ek verloor

Daarom kom lê ek alles hier by U voete

Ek bring die mens wat hier binne-in my huil

Want deur my sonde Heer is ek verlore

Totaal sonder hoop

Ek weet ek is vuil

Maar in U o Heer vind ek genade

U het die volle pad vir my geloop

U alleen is die Weg, die Waarheid die Lewe

Die enigste Deur na lewe en hoop

Want deur U dood aan die kruis is ek vergewe

en deur U bloed kom was U my skoon

Daarom kom gee ek U my hele lewe

Ek vra U nou om in my te woon

Dankie Here - U is nou my Koning

## God se besluit

Ek voel soveel vrede. By my God is ek vry  
Ek staan in oorwinning met sy Woord hier in my  
Want ek leef in die wete : `Hy het alles betaal'  
En ek glo aan die einde kom die Here Jesus my haal  
En ek loof Hom ek eer Hom  
Ek kniel in gebed voor Hom neer  
Ek sing en ek lag en ek jubel en ek dans voor die Heer  
Ag ek kan dit nie keer nie dit borrel en dit bruis uit my uit  
Want die vrede hier binne is vrye genade  
`n Geskenk - dit was God se besluit

Ja ek kan dit nie keer nie dit borrel en dit bruis uit my uit  
Want die vrede hier binne is vrye genade  
`n Geskenk - dit was God se besluit

Dalk soek jy ook vrede. Jy vra dalk waarheen ?  
Want jy weet in jou wêreld staan jy heeltemaal alleen  
My vriend daar is lemand om jou hand vas te hou  
Jy kan ook vry wees in Jesus met Sy blydschap in jou  
Ek nooi jou kom eer Hom  
Kom kniel in gebed voor Hom neer  
Kom sing en lag en jubel en dans voor die Heer  
Ag jy kan dit nie keer nie dit borrel en dit bruis uit jou uit  
Want die vrede daar in jou is vrye genade  
`n Geskenk dit was God se besluit

Ja ons kan dit nie keer nie dit borrel en dit bruis uit ons uit  
Want die vrede hier binne is vrye genade  
`n Geskenk - God se besluit

## **As Hy weer kom**

As Hy weer kom as Hy weer kom, kom haal Hy sy pêrels  
al sy pêrels mooie pêrels - die juweeltjies vir sy kroon  
Al die kindergesiggies is die Here se liggies  
en ons skyn in die wêreld omdat Hy in ons woon

Hy is lief vir jou Hy is lief vir my want Hy sê ons is sy pêrels  
En ek glo in Hom ek is lief vir Hom - ek hou my lewe skoon  
Al die kindergesiggies is die Here se liggies  
en ons skyn in die wêreld want Jesus vra ons so

Ja Hy sê self die hemel is gemaak net vir kinders  
as ons wil saamgaan as Hy weer kom  
moet ons nét soos hulle glo

Net soos die kindergesiggies die Here se liggies  
moet ons skyn in die wêreld omdat Jesus in ons woon  
Ons kindergesiggies is die Here se liggies  
Ons moet skyn in die wêreld omdat Jesus in ons woon

## **Penniewhisselspeler**

Sy naam is Siphó 'Jabula' Mafeke  
Hy's die een wat by die beeste bly  
En elke môre met die rooidag loop hy met sy penniefluitjie  
saam met die beeste by die kraal verby

Ek bly alleen in die veld maar ek is nie bang nie  
Ek kruip weg by die Veilige Gees  
Ja ek ken die Modimo ek weet Hy is by my  
So het my ouma vir my uit haar Bybel gelees  
En Hy help my en Hy leer my  
Hy wys my voete waar die veldpaadjie gaan  
En Hy leer my en Hy wys my  
om kiere teen die duiwel te slaan

Halleluja, Halleluja, 'Alleluja Nkosi Jesu (3x)

Ek weet presies hoe dit werk sê Siphó Mafeke:  
Net soos ek by my pa se beeste bly  
is die Here Jesus die Herder van Modimo se skape  
Hy bly elke dag by my

Ek weet ek is klein ek is net `n Umfana  
maar ek gaan eendag koning wees  
Ek weet ek is nou al in Modimo se Impi  
Want Hy maak my net so sterk soos `n bees  
En Hy vra my en Hy help my  
om sy liefde met my mense te deel  
Ja Hy wys my en Hy leer my  
om penniewhissel vir sy `glory' te speel

En net soos ek was Morena Dawid  
ook `n penniewhisselspeler gewees  
Maar in sy hart was klein Dawid  
klaar `n koning deur Modimo se Gees

## **Praise the Three in One**

Kneel before the Father. Come worship the Son  
Submit to the Spirit. Our God is Three in One  
Look up to the heavens. In the spirit you'll see  
the glory of Jesus shining radiantly

God sent His only Son. In a manger He lay  
and as He grew Jesus showed us the way  
How the lame can walk. How the blind can see  
How the dead can be raised miraculously

But then with nails in His hands at last He cried "It is done"  
The battle of life over death was won  
And He rose from the dead to the Father on high  
where He reigns and He pleads that no man should die

So come worship the Father. Praise his merciful Son  
Submit to the Spirit. Exalt the Three in One

And we sing `Hallelujah'. We hail our wonderful King  
We burn the incense of love. That's the praise we bring

And we shout `Hosanna' to the Holy One  
We bring praise from our hearts to Father, Spirit and Son

## **Maria vir jou**

Maria vir jou was die seer soveel dieper  
Die rou in jou hart het ver meer geëis  
want so min van ons ken die pyn van `n ma  
waar sy staan voor haar seun wreed vermink aan `n kruis

Maria vir jou was die straf soveel groter  
toe jy opkyk in Sy oë en jy sien hoe Hy ly  
en jy staan verslae. Jy bid stil deur jou trane  
Want eers baie lank daarna was Sy lyding verby

Maar Maria ook vir jou het die bloed uit sy wonde  
genesing gebring Al jou sonde betaal  
Want al was jy sy ma was jy as mens ook verlore  
Maar nou kan jy weet Hy gaan jou ook kom haal

Ja Maria vir jou wag daar ewige vreugde  
Losgekoop uit jou smart deur die bloed van jou Seun  
en daar's `n groot bruilofsmaal in die hemel berei  
Daar's jy en Jesus jou Here vir ewig weer een

Daar's `n groot bruilofsmaal in die hemel berei  
Daar's jy by Jesus jou Here en vir ewig weer vry

## Jesus kom weer terug

O hoe onbeskryflik groot is die genade van ons Heer  
Met spykers aan `n kruis geslaan het Hy sy Seun laat sterf  
Sodat ons die lewe tot in ewigheid onverdiend kan erf  
dat ons die lewe tot in ewigheid onverdiend kan erf

En hoe onbeskryflik groot is die almag van ons Heer  
Deur God verlaat, in die dood  
het Hy die vyand se mag verslaan  
en soos belowe, in `n wonderwerk na drie dae weer opgestaan  
en soos belowe, in `n wonderwerk na drie dae weer opgestaan

En hoe onbeskryflik wonderlik is die belofte van ons Heer  
Dat Hy ons met sy Gees sal doop dat ons ander sal kan leer  
Sodat elkeen selfs in die verste land God se Naam kan eer  
Sodat elkeen selfs in die verste land God se Naam kan eer

En hoe menslik onverstaanbaar was Sy hemelvaart gewees  
Hoe eensaam en verlate toe ons Hom weg sien gaan  
Maar hoe salig was die belofte toe die engele in wit daar staan  
Ja hoe salig was die belofte toe die twee in wit daar staan

Want Jesus kom weer terug, Hy kom op die wolke  
Hy't net gaan plek maak Hy kom ons haal  
Ja Jesus kom weer terug, Hy kom op die wolke  
Hy het belowe Hy kom ons haal

Ja Jesus kom weer terug, Hy kom op die wolke  
Hy't net gaan plek maak daar bo by Hom  
Ja Jesus kom weer terug, Hy kom op die wolke  
Hy het belowe Hy sal weer kom Hy sal weer kom  
Hy sal weer kom Hy sal weer kom

Ja en Hy sê self die hemel is gemaak net vir kinders  
as ons wil saamgaan as Hy weer kom  
moet ons nét soos kinders glo  
Al die kindergesiggies is die Here se liggies  
Ons moet skyn in die wêreld omdat Jesus weer kom



## **Aan die geringstes**

Duisende klein hokkies van optelhout en sink  
wat halflyf in die modder staan - rokerig en stink  
Miljoene wat in lyding en ellende moet vergaan  
en elke dag weer bakhand voor die rykes moet gaan staan

Wie gee ons die reg my vriend om God se seën te vra  
as ons self nie eers bereid is om ons medemens te dra ?  
Wie gee ons die reg tot klasverskil en rassehaat ?  
Wat van die Geringstes van wie die Bybel praat ?

Duisende klein kindertjies wat honger is en koud  
die seer van `n asbliklewe maak selfs die jongstes oud  
Duisende gesinne wat haweloos moet dwaal  
wat die eis van ons geldgierigheid net nie kan betaal

Wie gee ons die reg my vriend om op ander neer te kyk  
terwyl ons vra "O Here, ons wil meer soos Jesus lyk"  
Wie gee ons die reg tot die Fariseërgebed  
terwyl die arm man op sy bors moet slaan en weet ...  
Net genade red

Net een Man het die prys betaal  
Hy't in ons plek kom staan  
Ek en jy het self sy hande aan `n kruishout vasgeslaan  
Besef dit nou my vriend - Hy't ons met God versoen  
En Hy leef in die geringstes ... Wat het jy aan Hom gedoen ?

Besef dit nou my vriend - Hy't ons met God versoen  
en Hy leef in die geringstes  
Wat het jy aan Hom gedoen ?

## Sal U my stuur ?

Ek wil kom stil word hier by U voete

Ek wil kom hoor wat U sal sê

Ek wil kom oopmaak vir U Gees Heer

as ek my vrae voor U kom lê

Want soveel mense sterf sonder Jesus

Daar's soveel misleiding na die ewige dood

Daar's soveel oorfloed, selfsug en rykdom

terwyl ander ly in hongersnood

Ek wil dit uitskreeu: `Wat van die kinders'

wat die honger en lyding glad nie verstaan ?

Wat van die mense wat stukkend en seer is ?

Wat van die oumens wat eensaam vergaan ?

En as ek dan vra Heer : `Waar is U liefde ?'

Dan moet ek erken Heer dit lê nog by my

Want in my selfsug leef ek my lewe

en stap selfvoldaan by die nood verby

Maak my `n beeld van Jesus se liefde

om in my wêreld U hande te wees

Ek gee myself as `n lewende offer

My lewe beheer deur die Heilige Gees

Hier staan ek voor U net soos Jesaja

dat U my sal aanraak met U heilige vuur

Sodat ek oral U liefde kan uitdra

Hier is ek Heer. Sal U my stuur ?

Hier is ek Heer. Sal U my stuur ?

## **Gebed vir eenheid**

Laas nag sien ek in my drome `n helder visioen  
Ek sien die beeld van Jesus in heerlijkheid daar staan  
En die glorie wat Hy uitstraal was onbeskryflik groot  
en die loflied van `n engelkoor klink oral waar Hy gaan  
Die loflied van `n engelkoor klink oral waar Hy gaan  
Kom loof Hom kom prys Hom  
Kniel voor die Here neer  
O kom eer Hom Hy is die Koning - wat ewig sal regeer  
O kom eer Hom Hy is Koning - wat ewig sal regeer

Maar terwyl ek my nog verwonder verander die toneel  
Ek sien `n skare mense wat skreeuend om Hom staan  
En elkeen wil Hom aanraak. Elkeen gryp sy deel  
en toe almal later weg is was daar geen glorie meer  
Sy kleed was vuil en bloedbevlek; Sy liggaam wreed verskeur  
Dis ek my vriend dis jy my vriend  
Dis ons wat sy liggaam so skeur  
O want elke kerk gaan sy eie gang  
Skeur sy liggaam middeldeur  
O elkeen van ons gaan sy eie gang  
Skeur sy liggaam middeldeur

Kom laat ons gaan stilstaan. My vriend kom vat my hand  
Kom ons bid vir vrede en eenheid in ons land  
Wil ons nie maar vergewe. Laat God alleen ons pad bepaal  
Dat ons soos een kan saamstaan dat Hy ons kan kom haal  
Skoon sonder vlek of rimpel as Jesus sy bruid kom haal  
Kom loof Hom kom prys Hom  
Kniel voor die Here neer  
O kom eer Hom Hy is die Koning - wat ewig sal regeer  
O kom eer Hom Hy is Koning - wat ewig sal regeer  
Wat ewig sal regeer